

GJALDSKRÁ

fyrir samnet (ISDN).

(Virðisaukaskattur er ekki innifalinn).

Notendur geta valið um tvenns konar aðgang að samnetinu: Með grunnaðgangi (2B+D) fá notendur tvær 64 kbit/s rásir og eina gagnarás 16 kbit/s, en með stofnaðgangi (30B+D) fá þeir þrjátíu 64 bit/s rásir og að auki eina gagnarás 64 kbit/s.

1. Stofngjald.

1.1. Fyrir hverja grunntengingu..... kr. 21.375,00

Ef notandi breytir áskrift að almenna talsímanetinu í áskrift að samnetinu skal þó draga frá stofngjald fyrir almennan síma eins og það er hverju sinni. Ekki skal draga nema eitt stofngjald fyrir almennan síma frá fyrir hverja grunntengingu.

1.2. Fyrir hverja stofntengingu kr. 213.750,00

Þeir notendur sem áður hafa fengið beint innval, sem 2Mbit/s tengingu greiða hálf t stofngjald fyrir hverja tengingu sem breytt er í stofntengingu við samnetið.

2. Afnotagjald.

2.1. Ársfjórðungsgjald fyrir hverja grunntengingu kr. 5.550,00

2.2. Ársfjórðungsgjald fyrir hverja stofntengingu kr. 55.500,00

Þeir notendur sem ekki vilja nýta allar 30 rásirnar í stofntengingunni geta fengið færri virkar rásir, þó að lágmarki 12. Fyrir hverjar tvær rásir greiðist þá sama afnotagjald og fyrir grunntengingu.

2.3. Notkunargjöld fyrir hverja B-rás er það sama og fyrir samsvarandi notkun í almenna símakerfinu með þeirri undantekningu að ekki er notuð skrefamæling heldur tíma- mæling með samsvarandi gjaldi á sekúndu. Fast gjald fyrir hvert símtal er kr. 2,67 eins og í talsímanetinu en að auki kemur uppkallsgjald kr. 1,33 sem greiðist fyrir hvert uppkall milli tveggja samnetsnotenda, hvort sem uppkallið heppnast eða ekki. Ekki er nein notkun innifalin í afnotagjaldi fyrir samnetið.

Ef rásin tengist við aðrar þjónustur eða net greiðast gjöld samkvæmt gjaldskrá fyrir þá þjónustu.

Notkunargjöld fyrir gagnaflutning á D-rás verða birt síðar en ekki er boðið upp á þá þjónustu í upphafi.

3. Flutningsgjald, viðtökugjald og gjald fyrir númeraskipti.

3.1. Flutningsgjald fyrir aðgang að samnetinu er jafnt hálfu stofngjaldi fyrir samsvarandi tengingu.

3.2. Viðtökugjald án númeraskipta er kr. 4.800,00 fyrir fyrsta númer en kr. 200,00 fyrir hvert númer umfram eitt. Stofntenging skoðast í þessu tilfelli sem 30 númer.

- 3.3. Óski réttihafi símanúmers að skipta um númer og verði það samþykkt er gjald fyrir númeraskipti kr. 1.710,00.

4. Sérþjónusta á samnetinu.

Allar tegundir sérþjónustu sem boðnar eru notendum í almenna talsímanetinu, þar með talin sundurliðun símtala, standa samnetsnotendum til boða á sömu kjörum. Auk þess hafa notendur samnetsins möguleika á eftirtöldum tegundum sérþjónustu til viðbótar.

- 4.1. Allir samnetsnotendur hafa aðgang að eftirfarandi möguleikum án gjalds:
- 4.1.1. A-númera yfirfærsla (CLIP).
- 4.1.2. Flutningur tækja innanhúss eða skipt milli tækja innanhúss.
- 4.2. Eftirtaldar þjónustur þarf að sækja um og greiða fyrir:
- 4.2.1. Lokað fyrir A-númeraflutning (CLIR). Ekkert stofngjald, en ársfjórðungsgjald er kr. 153,00.
- 4.2.2. Undirnúmer. Ekkert stofngjald, en ársfjórðungsgjald er kr. 153,00.
- 4.2.3. Aukanúmer. Ekkert stofngjald en ársfjórðungsgjald er kr. 153,00 fyrir hvert aukanúmer. Ef notandi vill sundurliðun notkunar á aukanúmer greiðist fyrir það eins og fyrir sundurliðun á aðalnúmeri.
- 4.2.4. Beint innval. Fyrir þessa þjónustu greiða notendur stofngjald kr. 131.325,00. Þeir notendur sem hafa greitt stofngjald fyrir innval í almenna talsímanetinu greiða þó ekki nýtt stofngjald. Afnotagjald fyrir beint innval er kr. 67,00 fyrir hvert númer í frátekinni númeraröð.
- 4.2.5. Afmarkaður notendahópur.
Stofngjald fyrir hvern hóp kr. 6.000,00.
Ársfjórðungsgjald fyrir hvern hóp kr. 1.275,00.
Skráningargjald er kr 625,00, sem greiðist í hvert sinn sem nýtt númer tengist inn í hópinn eða önnur breyting er gerð á tengingum við hann.
- 4.2.6. Merkjasending milli notenda.
Ekkert stofngjald er tekið en ársfjórðungsgjald er kr. 153,00.

5.

Auglýsing þessi, sem sett er samkvæmt lögum nr. 73 frá 1984 um fjarskipti sbr. 5. gr. laga nr. 32 frá 1993 svo og 11. gr. laga nr. 36/1977 um stjórn og starfrækslu Póst- og símamálastofnunar, ásamt áorðnum breytingum samkvæmt 8. gr. laga nr. 34 frá 1987, tekur gildi 1. janúar 1996.

Samgönguráðuneytið, 22. desember 1995.

Halldór Blöndal.

Jón Birgir Jónsson.